

福建通志

第貳拾壹冊

共壹百冊

福建名勝志卷一

名勝一門多其蹟已古厯留其名者故名勝往茲與茲蹟雖舊矣撰志者或稱古蹟或稱名勝不能一其主名然名勝之蹟蹟不古者固多而其蹟雖古後人修之使復古者亦不少且有蹟未古而已成名勝者則稱名勝可包古蹟稱古蹟不能包名勝今用曹學佺輿地名勝志例稱名勝不稱古蹟凡亭臺園宅池井寺觀營壘冢墓與一切屬在人造而其蹟已古者皆以時相次焉

閩縣

金雞巷 在金雞山三山志秦始皇時望氣者云此山有金雞之祥遂斷斷山脊以壓王氣至今斷處爲人行路曰金雞巷八閩通志一名雞公巷閩都記又名雞公弄

蹴鰲橋 在鼓山靈源洞跨西澗上八閩通志唐黃璞五世祖太和得道遺跡於此閩書唐大順初璞遊山偶見之跌坐橋上請還不聽明日率家

人往謁不復見矣

石竈 在湧泉寺前相傳僧靈嶠初入山時爨於此

石巷橋 在湧泉寺大雄殿前宋乾興壬戌僧士珪創

駐錫橋 在湧泉寺門外舊名羅漢橋僧元賢改今名以上俱見鼓山志

東際橋 在解院左宋紹興辛巳僧宗逮造

仙井 在鼇峯書院內見乾隆福建通志

義井 在郡治東南光澤坊內巷有二井今猶存以上俱見閩都記

狎鷗池 三山志云在易俗里唐翁承贊第內雍正舊志云承贊因自號

狎鷗翁

浴鳳池 在鼓山大頂峯北三山志云唐末有樵者見五色雀羣浴於此

名勝志云廣可十畝大旱不涸

放生池 在湧泉寺東南方圓四十餘丈宋紹興閒僧宗演開歲久壅塞

元至正丙申僧崇祖重開明崇禎己巳復開清乾隆丙子僧興隆復浚

內湯井 在郡東崇賢里內湯院三山志云宋嘉祐七年郡守元絳閱郡圖得其名往觀之乃濬其源礱石爲井揭宇環之疏其餘於垣外宣和六年知州事陸侍郎藻命重修溫室四區中有振衣亭澣日一啓非衣冠不許遊也閩都記云在今溫泉坊內其後郡人羣浴於此溷雜頽廢今湯門街以此得名

外湯井 在湯門外數百步八閩通志云繚以短垣作溫室及振衣亭公府休暇多盥濯於此俗呼官湯雍正舊志云在湯門外河口

靈芝塢 在東山見三山志

花園 在府城內縣學西舊名芙蓉園宋陳少師韓別館明初籍於官今有陳啓妻貞節坊猶韓故居之址見閩都記

西畚園 董坑園 俱在鼓山見閩書

梅花塢 在時昇里藤山植梅萬株直抵程埔可十里許花盛開時如瓊瑤世界臺南八景藤山蚤梅其一也今地多被人所佔見雍正福建通志

金積園 在九仙山于山讖文有云只有一積金寄在于山庄故名見乾隆福州府志

桑苧園 青墅堂 遲清亭 在光德里高湖墩明吏部郎中鄭善夫別墅自書少谷柴門顏其堂曰青墅亭曰遲清今頗寥落見閩都記

南園 在郡南洗馬橋東明陳殿元謹別業逶迤里許戶外有岡阜三石

森立如筭以上見閩都記 百花務 在府西南有花巷以內通百花務

亦呼梅枝巷見名勝志

衛園 在螺洲白花洲

入覽園 在螺洲蓮宅清林美助別業林雨化有記

淡香園 在螺洲梁山園後清陳卿雲別墅以上俱見螺洲志

釣龍臺 在府城南嘉崇里閩中記云昔越王餘善於此釣得白龍以爲

祥瑞遂於所坐處築爲壇臺閩書云臺上可坐百餘人閩都記云在惠澤

山南一名越王臺洪武六年改建山川壇

介琰隱處 在清廉里方山閩書云琰漢仙人隱此宋朱子書怡山良石神仙所居八字刻石

鄭昭勇宅 在易俗里白馬山梁大同五年捨爲淨土院見三山志

虞公庵 在瑞聖里東山愛同寺陳虞常侍寄隱居處陳書云寄字次安餘姚人荔弟也起家梁宣城王國左常侍侯景亂奔晉安見閩都記

靈源閣 在開元寺南閣額靈源二字書文皆作水形爲南面厭火而設閣上復祀羅計星像以制之見雍正舊志

邵楚萇宅 在開化里楚萇唐貞元中及第官校書郎見閩都記

四微亭 在九仙觀內唐元和中郡守元錫建宋慶曆中郡守沈邈修後創觀亭廢

仙亭 在鳳洋山頂舊傳唐仙人王進才飛昇於此見八閩通志

白鹿亭 在積善里白鹿寺前唐咸通間建見三山志

陳去疾宅 在桂枝坊見雍正舊志

黃璞幽居 在鼓山湧泉寺璞唐大順二年進士官校書遠祖太和於鼓山得道遺跡猶存見三山志

王逢故居 在光德里石室山俗名北園逢唐觀察使子孫世居於此見閩都記

方山隱處 在清廉里方山唐隱者黃子野所居見晉安逸志

一華亭 在九仙山東南唐景福二年王潮建見八閩通志

畫錦亭 在易俗里浦頭唐諫議大夫翁承贊宅內宅後爲浦華嚴院見三山志

幽軒 唐歐陽玘讀書處有玘自題詩見乾隆福州府志

新豐市堤 在釣龍臺旁唐翁承贊冊封王審知爲閩王還朝餞別於此承贊南臺路書事詩登庸樓上方停樂新市堤邊又舉杯見三山志

陳守約宅 在天寧山西黃柏嶺上見道光志

李彥暉宅 在郡治東宋太平興國六年捨爲報慈崇因經院彥暉唐潮

州刺史有男子一年九十歲嘉祐二年作記云彥暉從王氏起光州以功出鎮越台分符潮郡遂賞茲宅及太平興國初歸欵因捨爲寺見三山志鎮閩臺 在布政司前大街之中五代唐長興四年閩王築臺而屋其上號龜頭門宋祥符閒郡守嚴辟疆更名還珠元延祐四年都元帥阿思蘭董阿重建明成化十三年燬鎮守太監盧勝暨布政使李嗣錢璉等經畫重建未就十七年鎮守太監陳道復經畫而成之翰林學士楊守陳爲記今俗呼雙門見八閩通志

王審知東西二宅 一在郡治東三山志云審知諸子居之後爲法性院閩都記云卽今忠懿王廟一在南津坊

王延曦宅 在郡治東三山志云晉天福二年施爲永隆金身羅漢寺閩都記云今爲慶城寺

陳貺宅 在鼓山下貺隱廬山幾四十年南唐主李璟聞其名往徵之固辭見雍正舊志

御書閣 在府學內養源堂之西北宋太平興國中轉運使楊克讓建見閩都記

經史閣 御書閣後卽舊九經閣也在府學內宋大觀二年詔曰比聞諸州學有閣藏書皆以經史名方今崇八行以迪多士尊六經以黜百家史何足云可賜名曰稽古紹熙四年帥守辛棄疾重修仍扁曰經史朱熹爲記景定四年燬咸淳二年帥守吳革重建閣之下扁曰止善堂元至大二年以止善堂爲經史庫凡書版皆貯於此見八閩通志

御書堂 在東山聖泉院藏宋太宗所賜書見三山志

達觀亭 宋蔡襄有詩 碧光亭 俱在釣龍臺側見三山志

蔡伯係宅 在東街遵儒坊奇童巷俗訛爲綵旗巷伯係宋祥符九年應童子科授東宮伴讀見乾隆福州府志

熙春亭 在郡東南妙嚴院宋天禧四年建

臨津館 在郡治南宋天聖五年章頻建

合沙亭 在臨津館西南隅宋天聖間建是時以識諸方望沙合皇祐間

江東西始有洲元祐四年洲猶中斷而爲二林中散積又卽館之東南楹望合沙之水開軒仍舊名亭是歲許公將爲尙書右丞以上見三山志

湛俞宅 在館前街俞宋寶元元年進士官屯田郎中爲本路轉運判官年五十休致鄉人名其所居曰旌隱坊見閩都記

陳簡能宅 在郡治東忠順坊內見乾隆福州府志

陳景參宅 在慶城寺前景參三世登科郡守易名忠順坊見道光舊志

吏野亭 宋蔡襄書額

清陰亭 芙蓉閣 有宋正言鄧肅詩以上俱在易俗里東禪寺宋時建

見三山志

小蘭亭 在郡東長樂山宋帥守與郡官僚上巳日禊飲處見閩都記

海月堂 在郡東南九仙育王院宋嘉祐二年建見三山志

許將宅 在郡治東狀元坊內八閩通志云將閩清縣人後遷於此閩都

記云將宋嘉祐八年進士第一人故署曰狀元坊

清音亭

碧巖亭

俱在東山龍首澗宋許將讀書處見三山志有將自

題詩及王汝舟李綱和詩

夜光臺

羅漢堂

神僧室

鑑淨軒

山輝堂

俱在東山大乘寺見

三山志

元公亭

在鼓山靈源洞東三山志云宋嘉祐閒爲郡守元絳建因名絳

自題詩鼓山志云宋紹興閒僧本才重建更名臨滄

陸琦宅

在郡治東祕書巷琦本名宣宋嘉祐閒進士二子蘊藻官祕書

郎故名俗訛爲篋梳巷見雍正舊志

王祖道宅

在嵩山麓本閩五州諸侯館地明洪武初廢爲都察院後倭

寇軍興復設撫台提督軍務遂開府於此祖道宋治平二年進士除直龍

閣見閩都記

平遠臺

在九仙山法雲寺西三山志云臺東有小橋橋旁有巨石刻平

遠臺三字八閩通志云臺上有閣明宣德間鎮守內使梁著建成化十五年燬

三山閣 在平遠臺東宋時建

獅子亭 在東山獅子峯之西淵宋熙寧二年郡守程師孟建建炎三年嗣濮王仲湜書額以上俱見三山志

望洲亭 在鼓山大頂峯八閩通志云宋熙寧四年郡人陳烈與郡守丁竦提刑沈紳同遊鼓山刻銘於峯頂之盤石而亭其上

且止堂 在永福里城門山真隱院三山志云院臨西峽往來必憩於此故名閩都記云今爲公館

金粟臺 在九仙山麓三山志云郡守程師孟取塔中王氏時所塑金粟如來像爲名石上刻金粟臺三字郡守元少卿絳篆後絳姪積中爲守繪金粟像於臺側作小堂安奉之

千秋堂 在九仙山萬歲寺三山志云宋熙寧八年建乾道九年丞相史

浩改爲華封閩都記云明嘉靖二十九年重建

野意亭 在九仙山南圓明院有孟參政庾韓少師世忠畫像建炎四年范汝爲叛孟韓自永嘉浮海至福州直抵建城俘其渠以獻鄉人德之立像於亭孟朝服韓戎服宋李觀有詩

清輝閣 在九仙山南圓明院內以上見三山志

廓然臺 在九仙山南梅川陳暘命名見雍正舊志宋朱熹有詩

喜雨臺 石上篆書三字

琴臺 九日臺 俱在九仙山見閩都記

鼇峯勝覽亭 在九仙山宋嘉福院地狀元陳誠之讀書處見萬曆福州府志

荔枝軒 在時昇里玉泉院宋元祐閒建見三山志

圓通亭 在鼓山松關下一里許宋紹聖五年僧潛洞建見鼓山志

韓召宅 在都市召宋崇寧閒舉八行黃尚書裳爲署名曰大隱坊見乾

隆福州府志

天香臺 在洋坑石壁聳峭宋大觀間有孝子焚香祝親書天香臺三字并頌四句於石壁下有龍潭見閩大記明謝肇制有詩

天寧臺 在時昇里光孝寺閩都記云宋政和初建今爲真武廟乾隆福州府志云今名雙江臺

玉虛樓 在九仙山九仙觀宋政和五年尙書黃裳建見三山志

李俯宅 在南營宋政和間俯知婺州其孫提舉浙東鄉人榮之名嘉榮坊見閩都記

張覺宅 在永北里礪源覺宋政和五年進士官祕閣修撰見八閩通志喜雨樓 在九仙山喜雨臺下宋政和間郡守黃裳建見閩都記

妙峯閣 頻伸齋 鼓山志云明崇禎二年僧宏曉募建爲方丈

東際齋 一多庵 癡坐軒 崇石軒 無寄軒 網珠室 鏡臺室

芥瓶室 憨睡室 無盡門 以上俱在鼓山湧泉寺皆唐華嚴臺遺址

宋宣和間僧體淳創總名曰華嚴見三山志鼓山志云無盡門久廢明天啓五年郡人曹學佺重建山門清順治十年重建

朱倬宅 在郡治西太平坊內倬宋宣和六年進士紹興末拜右丞相尙書王師心爲改坊名曰太平公輔見閩都記

朱敏功宅 在朱紫坊敏功宋通奉兄弟四人皆登仕版朱紫盈門故名朱敏元宅 在小石井敏元居之更名朝士坊俱見閩都記

禊遊亭 在桑溪上流宋宣和間提刑俞向建每歲上巳日郡人修禊於此見名勝志明徐燧謝肇淛俱有桑溪禊飲序見府志

寶雞亭 在易俗里舶塔院宋洪駒父芻命名并書以東望金雞山故也見道光舊志清邵鵬搏記寶雞亭者隸易俗里榕垣名勝錄注爲東二里白馬山者是而梁克家三山志則謂亭乃洪玉父芻命名以今考之二者皆不能無誤蓋會城行春門湯井門附郭村墟均名易俗出湯門數武則亭之舊址存焉所謂在白馬山者考之舊聞均無所據

林積善宅 在永福里城門山鰲頂峯下子孫世居之見八閩通志

松風堂 在時昇里天寧山光孝寺內宋丞相李綱寓居於寺之方丈東得數楹與山顛齊青松千蓋榜爲松風有綱自題詩見三山志

藏六庵 來薰亭 宋王之望建

海月亭 八閩通志云元延祐四年運使朶兒伯臺重建以上俱在光孝寺見三山志閩都記云二亭今廢爲鹽倉

明極堂 在光孝寺見閩都記宋李綱有詩

吸江亭 楞伽室 俱在江左里雲門山見三山志

茶山館 在易俗里茶園山舊閩縣尉廨也見三山志

振衣亭 在郡東內湯院宋宣和六年郡守陸藻創見八閩通志

合珪亭 在鼓山乘雲嶺圓通庵下以山有巨石二形如合珪故名又以在嶺半名半山亭宋紹興四年僧宗逮建明天啓二年郡人陳宏道重建

內供石塔一座

艮止亭 在鼓山靈源洞左宋紹興四年僧宗逮建後廢清乾隆十五年僧興隆重修

羅漢閣 在鼓山天王殿上宋紹興六年僧士珪修淳熙六年重建改名飛錫閣

前資寮 湧泉寮 俱宋紹興七年僧士珪建

老僧閣 宋紹興九年僧士珪建以處老僧

五老寮 老宿寮 宋紹興十一年僧士珪脩以奉耆舊

白雲寮 宋紹興十一年僧士珪修清順治二年僧元賢重建

觀化亭 在香鑪峯前

超凡閣 宋白玉蟾有詩

觀禊堂 選佛堂 獨照堂 毗盧閣 普賢亭 以上俱在鼓山俱見

鼓山志

天風海濤亭 在大頂峯閩書云宋淳熙間僧元嗣建趙汝愚詩云江月